

Bugis - Rohna Jehova Kitta'è - Holy Spirit Scriptures

Matius 12:28 Iyakiya Iyya Upaddèsu'i sètangngè sibawa akuwasanna Rohna Jehovah. Bettuwanna iyaro makkedaè mappammulani Jehovah mapparènta ri tengnga-tengngamu.

Matius 28:19 Rimakkuwannanaro Iaono ri sininna bangsaè ri sininna linoè, pancajiwi mennang ana'-ana' guruk-Ku. Cemmèi mennang sibawa teppui asenna Ambo'è, sibawa Ana'è, enrengngè Rohna Jehovah.

Markus 1:10 Massuna Yèsus polè ri saloèro, Naitani tabbukka langiè sibawa Rohna Jehovah nonno ri yasè'na pada-pada jangang-jangangngè.

Markus 13:11 Narèkko ritikkekko sibawa ritiwi ri pengadilangngè, aja' mubata-bata passalenna aga harusu' mupowada. Rèkko narapini wettunna untu' mabbicara, powada bawanni aga iya ripowadangngèkko ri wettunna. Nasaba ada-ada iya mupowadaèro tenniya ada-adammu muto, sangadinna polèri ri Rohna Jehovah.

Lukas 2:26 sibawa Rohna Jehovah pura paissengawi makkedaè' dè' namatè matu riwettu dè'napa naitai Arung Pappassalama'è iya najjanciyangngè Puwangngè.

Lukas 4:1 Rikuwasaini Yèsus ri Rohna Jehovah wettunna nasalai Salo Yordan. Ripimpinni ri Rohna Jehovah lao ri padang kessi'è.

Lukas 4:18-21 "Engkai Rohna Puwangngè ri Iyya, saba' pura-Ka nalanti' untu' mabbirittangngi Karèba Madècèngngè lao ri tau kasiyasiè. Nasuro-Ka untu' mappallebbangengngi aleppekengngè lao ri tau ritawangngè sibawa ajjappang lao ri tau butaè; untu' paleppe'i tau iya ripanrasa-rasaè 19 sibawa mabbirittangngi apolènna wettunna Puwangngè passalama'i umma'-Na." 20 Nalulunni paimeng Yèsus iyaro Kitta'è, napalisui ri pajagaè, nainappa tudang. Sininna tauwè ri laleng bola assompangngèro mitai Alèna. 21 Nappammulana Yèsus mabbicara lao ri mennang, makkuwaè, "Iyaè aya'-aya'na Kitta'è ripaddupani iyaè essoè ri wettu muwèngkalingana."

Lukas 12:11,12 Engkaga ri yelle'mu ambo' iya mpèrèngngengngi ula ana'na rèkko mèllauwi balè? 12 Iyarè'ga mpèrèngngi dokkèng rèkko mèllauwi telo?

Yohanes 7:38,39 Ada-adan-Na dè' naonro ri laleng atimmu saba' dè' mumatekke lao ri Iyya iya Nasuroè. 39 Muwagguruiwi Kitta'è saba' muwasengngi makkedaè nasibawang caraèro mappunnaiko atuwong mannenningengngè. Na alèna iyaro Kitta'è mabbèrè asabbiyang

passalek-Ku.

Yohanes 14:16,17 Uwèllauwi matu ri Ambo'è, nanawèrèkko matu Pattulung laing, iya monroè matu sibawakko lettu mannennungeng. 17 Alèna Rohna Jehova iya pannessaèngngi matu atongengengngè passalenna Jehova. Dè' naullèi linoè tarimai, saba' dè' naitai iyarè'ga naissengngi. Iyakiya iko muwissengngi, nasaba monroi sibawakko enrengngè maèlona massèddi sibawa iko.

Yohanes 14:26 Iyakiya Rohna Jehovah, Pattulung iya nasuroè matu Ambo'è ri laleng asek-Ku, Alèna matu pagguruko sini-sininnaè sibawa parèngngerangiko lao ri sininna iya puraè Upaissengiko.

Yohanes 16:7,8 Iyakiya Upowadai iya tongengngè lao ri iko: Lebbi kessing muwi untu' iko, rèkko lao-Ka; saba' rèkko dè' Ulaø, iyaro Pattulungngè dè' matu napolè ri iko. Iyakiya rèkko lao-Ka, Usoroi matu Alèna lao ri iko. 8 Rèkko polèi, napannessai matu lao ri linoè bettuwang tonget-tongenna dosaè, polè ri aga iya tongengngè, sibawa polè ri pahukkungenna Jehovah.

Yohanes 16:13-15 Iyakiya rèkko polèni iyaro Roh-è, iyanaritu iya pannessaèngngi atongengengngè passalenna Jehova, Napimpikko matu untu' missengngi sininna atongengengngè. Dè'na nabbicara matu polè ri Alèna iyakiya napowadai aga pura naèngkalinga, sibawa napaissengiko matu aga maèloè kajajiyang ri esso ri munri. 14 Napakaraja-Ka matu, saba' aga Napalettu ri iko, Natarimai polè ri Iyya. 15 Sininna engkaè ri Ambo'è iyanaritu appunnangekku. Iyanaro saba'na Uwakkeda makkedaè aga napalettu Roh-è lao ri iko, Natarimai polè ri Iyya."

Yohanes 20:21,22 Nakkedapa Yèsus siseppa lao ri mennang, "Salama' salèwangekko. Pada-pada Ambo'è suro-Ka, makkuwatoniyo Iyya suroko. " 22 Nainappa nasseppungeng nappase'-Na lao ri mennang sibawa makkeda, "Tarimani Rohna Jehovah.

Riwaya'na Rasul-Rasul-E 1:2 narapi esso riyakkana mènrè ri surugaè. Riwettu dè'napa naènrè ri surugaè, nasibawang akuwasanna Rohna Jehovah mabbèrèi panunju'-panunju' lao ri rasul-rasul-Na iya tappilè.

Riwaya'na Rasul-Rasul-E 1:5 Saba' Yohanès maccemmèi sibawa uwai, iyakiya siyagangngarè essonapa ricemmèko matu sibawa Rohna Jehovah."

Riwaya'na Rasul-Rasul-E 1:8 Iyakiya lolongekko matu kuwasa, rèkko engkani ri iko Rohna Jehovah. Mancajiko matu sabbi-sabbik-Ku ri Yèrusalèm, ri sininna Yudèa, ri Samaria, sibawa lettu ri cappa'na linoè'."

Riwaya'na Rasul-Rasul-E 2:1-4 Wettunna narapi Esso Pèntakostaè, maddeppungenni sininna tau mateppe'è risèddiè onrong. 2 Tappa

mèngkalingani oni polè ri langiè pada-pada anginrajaè mangiri. Bola iya naonroiyèro sining tauwè tudang penno manenni sibawa iyaro oniè. 3 Nainappa mitani mennang lila-lila luwa' api massanra kègi-kègi sibawa lèppang ri tungke'-tungke' mennang. 4 Rikuwasai manenni ri Rohna Jehova, sibawa mappammula mabbicara ri laleng maddupa-rupang basa laing. Mabbicarai mennang situru aga nabbèrèyangngè iyaro Roh-è lao ri mennang untu' napowada.

Riwaya'na Rasul-Rasul-E 2:17-19 Makkedai Jehova, 'Ripaccappureenna linoè Upanurungengngi matu Roh-Ku ri yasè'na sininna tauwè. Ana'-ana'mu worowanè sibawa ana'-ana'mu makkunraiè powadakko matu gau'-gau' iya Upaissengiyèngngi mennang. Sining tau malolomu naitai matu gau'-gau' iya Upaitangngèngngi mennang. Sining tau macowana mannippiwi matu passalenna nippi iya Uwèrèngngèngngi mennang. 18 Lao risining atak-Kuto -- muwi worowanè iyare'ga makkunrai --, Upanurungengngi matu Roh-Ku ri esso-essoèro. Nappaissengengngi matu mennang gau'-gau' iya Upaissengiyèngngi mennang. 19 Upakangkai matu sinning anu makalallaingngè ri yasè' kuwaro ri langiè, sibawa gau'-gau' dè'è padanna ri yawa kuwaè ri linoè; engka matu dara sibawa api, sellung sibawa rumpu. (Yoèl 2:28,29)

Riwaya'na Rasul-Rasul-E 2:33 Riyakkai ri tudangeng matanrè sibawa riwèrèng akuwasang ri Jehova, nainappa natarima Rohna Jehova iya puraè najjanciyang Ambo'è. Naiya muwèngkalingaè sibawa muwitaè makkekkuwangngè iyanaritu Roh iya ripanurungngè lao ri idi.

Riwaya'na Rasul-Rasul-E 2:38 Nappèbali Pètrus, "Toba'no polè ri dosa-dosamu sibawa sitinajako tungke'-tungke' ricemmè ri laleng asenna Yèsus Kristus, kuwammengngi nariyaddampengeng dosa-dosamu. Namutarimai matu hadiya Rohna Jehova polè ri Jehova.

Riwaya'na Rasul-Rasul-E 4:31 Pajanana mennang massempajang, mpèwanni onronna mennang maddeppungeng. Rikuwasai manenni ri Rohna Jehova, sibawa mappammula mabbicara sibawa barani senna' passalenna biritta polè ri Jehova.

Riwaya'na Rasul-Rasul-E 8:15-17 Wettunna Pètrus sibawa Yohanès lettu, massempajanni mennang untu' iyaro sinning tau Samariaè kuwammengngi nalolongeng mennang Rohna Jehova, 16 saba' dè'pa napolè Rohna Jehova kuwasaiwi muwi sèddi tau polè ri mennang, nappai mennang ricemmè ri laleng asenna Yèsus Kristus bawang. 17 Nainappa Pètrus sibawa Yohanès palènne'i limanna ri yasè'na iyaro sinning tau Samariaè; nanatarimani Rohna Jehova.

Riwaya'na Rasul-Rasul-E 8:39 Wettunna mennang massu polè ri uwai,

riyalani Filipus ri Rohna Jehova polè kuwaro. Iyaro pegawè tanrè polè ri Etiopia dè'na naitai. Namasennanna iyaro pegawè tanrè patterui joppana. (1 Arungngè 18:12)

Riwaya'na Rasul-Rasul-E 9:31 Na jema'è ri sininna Yudèa, Galilèa, sibawa Samaria mancaji tennanni. Nasibawang tau lao ri Puwangngè sibawa ribantu ri Rohna Jehova iyaro jema-jema'è tattamba mawatanni sibawa maèga.

Riwaya'na Rasul-Rasul-E 10:44,45 Ri wettu mabbicarana mupa Pètrus, turunni Rohna Jehova sibawa makuwasaiwi sininna tau iya mèngkalingaèngngi karèbaèro. 45 Sining tau Yahudi iya mateppe'ènna ri Yèsus sibawa iya maccowèriyèngngi Pètrus polè ri Yopè, hèrang manenni mitai Jehova mabbèrèyang towi Roh-Na lao risining tau bangsa laingngè tenniyaè Yahudi

Riwaya'na Rasul-Rasul-E 11:15 Na wettukku mappammula mabbicara makkuwaro, " makkuwaniro Pètrus patterui curitana, "Polèni Rohna Jehova ri yasè'na mennang pada-pada iya kajajiyangngè ri idi riyolo ri pammulanna.

Riwaya'na Rasul-Rasul-E 13:52 Sining tau maccowèriyèngngi ri Antiokhia marennu senna'ni sibawa rikuwasai ri Rohna Jehova.

Riwaya'na Rasul-Rasul-E 19:6 Na wettunna Paulus palènne'i limanna ri yasè'na mennang, rikuwasaini mennang ri Rohna Jehovah, nainappa mennang mabbicara ri laleng sinning basa iya makalallaingngè enrengngè palettu'i biritta polè ri Jehovah.

Riwaya'na Rasul-Rasul-E 20:23 Iya bawang uwisseng makkedaè ri tungke'-tungke' kota, mattedde'ni Rohna Jehovah paissengika, makkedaè muttama'ka matu tarungkuè sibawa manrasa-rasa matu.

Roma 5:5 Paddennuwang iya pada-padaèwè dè' napakacèlèki matu, nasaba purani riliseki atitta ri Jehovah sibawa pammaè. Napogau'i Jehovah iyaro naolai Roh Mapaccin-Na, iya puraè nawèrèkki.

Roma 8:9 Iyakiya dè' mutuwo situru sipa' tolinoè. Tuwoko situru Rohna Jehovah -- rèkko, Rohna Jehovah tonget-tongengngi makkatenning peranang ri laleng alèmu. Tau iya dè'è nappunnai Rohna Kristus, iyaro tauwè tenniya appunnangenna Kristus.

Roma 8:13-16 Nasaba rèkko tuwoko situru sipa' tolinoè, matèko matu; iyakiya rèkko nasibawang akuwasanna Rohna Jehovah, matteruko bawang mpunoi pangkaukeng-pangkaukemmu iya madosaè, tuwoko matu. 14 Sining tau iya ripimpingngè ri Rohna Jehovah, iyanaritu ana'-ana'na Jehovah. 15 Saba' Roh iya nabbèrèyangngè Jehovah lao ri iko, dè' napancajiko ata angkanna tuwoko ri laleng amètaurengngè. Sibalè'na

**iyaro Rohna Jehova napancajiko ana'-ana'na Jehova. Nasibawang
akuwasanna iyaro Rohna Jehova riyobbii iyaro Jehova, "Ambo',
Ambo'ku!" 16 Rohna Jehova silaong iyaro rohta pannessai makkedaè idi
ianaritu ana'-ana'na Jehova.**

**Roma 8:26 Makkuwatoro Rohna Jehova polè tulukki rèkko malemmaki.
Saba' dè' taissengngi pèkkugi sitongennaki massempajang; alèna iyaro
Roh-è mangolo ri Jehova untu' mèllaungekki sibawa uddaning iya
marilaleng senna'è angkanna dè' nariyullè pau.**

**Roma 15:13 Jehova iyanaritu onronna Saudara mammènasa. Tennapodo
nalisekiwi atimmu sibawa sininna ariyo-riyongngè sibawa
asalèwangengngè nasaba mateppe'ko ri Alèna, kuwammengngi nasaba
akuwasanna Rohna Jehova pèdè' mammènasako lao ri Jehova.**

**Roma 15:19 iya nasibawangngè gau'-gau' makalallaing sibawa gau'-gau'
iya dè'è padanna; iya manennaro polè ri akuwasanna Rohna Jehova.
Karèba Madècèngngè passalenna Kristus pura manenni uwabbirittang
lao ri risining tauwè, mappammulai ri Yèrusalèm lettu ri Ilirikum.**

**1 Korintus 2:10-13 Iyakiya pura napannessani Jehova lao ri idi sibawa
naolai Roh-Na. Iyaro Rohna Jehova nasalidikiwi sininna sèuwa-sèuwaè,
lettu risining rancanana Jehova muwi iya kaminang tassubbuè. 11 Saba'
iya missengngèngngi atinna sèddiè tau iyanaritu rohna muto iyaro
tauwè? Makkuwatoro passalenna Jehova. Iya missengngèngngi lise
atinna Jehova banna Rohna Jehova bawang! 12 Na idi dè' nariwèrèkki
rohna linoèwè, sangadinna Roh polè ri Jehova, kuwammengngi
nariisseng maneng iya puraè nabbèrèyang Jehova lao ri idi. 13
Rimakkuwannanaro rèkko mappakatajakki gau'-gau' passalenna Jehova
lao risining tau iya mappunnaiyè Rohna Jehova, dè' naripangolo situru
apanrènna tolinoè, sangadinna situru pappagguruwanna Rohna Jehova.**

**1 Korintus 3:16 Muwissegga Saudara makkedaè iko iyanaritu Bolana
Jehova? Sibawa Rohna Jehova monro ri alèmu?**

**1 Korintus 6:11 Siyagangngarè ri yelle'mu riyolo kèdo-kèdo makkuwaro.
Iyakiya makkekkuwangngè ripannessano mapacking polè ri dosaè.
Mancajino appunnangenna Jehova iya ripallaingngè. Simadècènggeno
paimeng sibawa Jehova, nasaba mateppe'ko lao ri Puwang Yèsus
Kristus sibawa nasaba akuwasanna Roh polè ri Jehova.**

**1 Korintus 12:3 Harusu'i muwisseng makkedaè tau iya ripimpingngè ri
Rohna Jehova dè' nawedding makkeda, "Tattanroi Yèsus!" Makkuwatoro
dè' muwi sèddi tau wedding makkeda, "Yèsus ritu Puwang!" rèkko iyaro
tauwè dè' naripimping ri Rohna Jehova.**

2 Korintus 3:17 Na, Puwang iya nakkattaiyè kuwaè iyanaritu Roh-è. Na

kègi-kègi engka Rohna Puwangngè, kuwatoniro engka amaradèkang.

2 Korintus 13:14(13) Tennapodo Puwang Yèsus Kristus barakkakiko,

Jehova mamasèiko, enrengngè Rohna Jehova sibawakko maneng!

Galatia 4:6 Nasaba iko iyanaritu ana'-ana'na Jehova, nasuroi Jehova Rohna

Ana'-Na muttama ri laleng atitta, iyanaritu Roh iya mangobbiè, "Ambo', èh Ambo'-Ku."

Efesus 1:13,14 Mancaji tono umma'na Jehova wettummu mèngkalingai pasenna Jehova, iyanaritu Karèba Madècèng iya mabbèrè asalamakeng lao ri iko. Mateppe'ko ri Yèsus Kristus, na iyanaro saba'na nabbèrèyangngi Jehova tanrang appunnangen-Na lao ri iko, iyanaritu Rohna iya Najjanciyangngè. 14 Roh-ènna ritu boro' makkedaè tarimaki matu aga iya puraè najjanciyang Jehova lao ri umma'-Na. Iyanaè mpèrèkki ateppereng makkedaè Jehova paleppe'i matu umma'-Na. Ripojiwi Jehova nasaba arajan-Na!

Efesus 2:18 Naolai Kristus, idi maneng -- muwi tau Yahudi iyare'ga tau tenniyaè Yahudi -- polè ri Rohna Jehova iya sèddiè, weddingngi maddeppèriwi Ambo'è.

Efesus 4:30 Aja' mupamessèiwi atinna Rohna Jehova. Purani rimatèrèiko sibawa Roh, mancaji appunnangenna Jehova. Iyaro Roh-è sinrupa towi boro' makkedaè Esso Aleppekengngè polèi matu ri iko.

1 Tesalonika 4:8 Rimakkuwannanaro, tau iya dè'è natarimai pappagguruwangngèwè, tenniya bawang dè' natarimai rupa tauwè, sangadinna nasampèyangngi Jehova iya mabbèrèyangngèngngi Roh-Na iya mapackingngè lao ri iko.

1 Tesalonika 5:19 Wèrèngngi alaluwasang Rohna Jehova.

2 Tesalonika 2:13 Saudara-saudara iya namasèiyè Puwangngè! Tuli harusu'ki mattarima kasi lao ri Jehova passalemmu, saba' pammulanna mupa Jehova pura pilèko untu' ripassalama'. Kajajiyangngi iyaro gau'è nasaba aga iya napogau'è Rohna Jehova lao ri iko untu' pancajiko umma'na Jehova iya mapackingngè sibawa nasaba mateppe'ko lao ri biritta iya tongengngè polè ri Jehova. (1 Petrus 1:2)

Titus 3:5,6 Napassalama'ki, tenniya nasaba puraki pogau'i sèuwa iya makessingngè, sangadinna nasaba alèna muto mamasèiki. Napassalama'ki naolai Rohna Jehova, iya mpèrèngngèkki ajajiyang mabaru sibawa atuwong mabaru ri laleng cara nabissaitta. 6 Natiri'i Jehova Roh-Na lao ri idi naolai Yèsus Kristus, Arung Pappassalama'ta,

Ibrani 2:4 Ri lainnaèro, turu'i Jehova pèwatangiwi asabbiyanna iyaro sinning tauwè ri laleng napakangkana maddupa-rupang anu makalallaing enrengngè gau'-gau' iya dè'è padanna kuwaèttopa mabbagè-bagèyangngi

sining pabbèrè polè ri Rohna Jehova situru èlo-Na muto.

**Ibrani 10:15 Passalenna gau'èro nabbèrèyang towi Rohna Jehova
asabbiyan-Na lao ri idi. Makkedai Rohna Jehova,**

**1 Petrus 1:1/2 Saudara-saudara umma' napilèna Jehova, iya tassiyae ri
laona ri daèra Pontus, Galatia, Kapodokia, Asia sibawa Bitinia! Iyya,
Pètrus, rasulna Yèsus Kristus, mammènasa tennapodo Jehova mabbèrè
barakka sibawa asalèwangeng ri iko sibawa tabbollompollong. Ripilèko
mancaji umma'na Jehova situru sibawa rancanana Jehova Ambo'è.
Sibawa Rohna Jehova pura pancajiko umma' iya mapaccingngè, banna
untu' Jehova, kuwammengngi mumatinulu lao ri Yèsus Kristus sibawa
ripaccingi ri dara-Na.**

**2 Petrus 1:21 Saba' dè' naengka paseng polè ri Jehova nabbirittang tolinoè
nasaba èlo alèna. Iyakiya Rohna Jehova makuwasaiwi tauwè untu'
palettu'i paseng polè ri Jehova muto.**

**1 Yohanes 4:2 Mappakkuwaiyè caranako missengngi aga iyaro Rohna
Jehova iyarè'ga tenniya: Tau iya mangakuiyèngngi makkedaè Yèsus
Kristus polèri linoè selaku tolino, iyaro tauwè mappunnaiwi Roh iya
polè ri Jehova.**

**1 Yohanes 5:7,8 Engka tellu sabbi: 8 Rohna Jehova, uwai sibawa dara -- iya
tellu mabbèrèi asabbiyang iya padaè.**

**Yudas 1:20 Iyakiya iko, Saudara-saudaraku, mupiyarai matteru atuwommu
situru teppe'mu lao ri Yèsus Kristus, iyaro teppe'mu mapaccing senna'.
Namuwasempajatto sibawa akuwasanna Rohna Jehova,**

**Exodus 35:31 Rohna Jehova, in wisdom, in understanding, and in
knowledge, and in all manner of workmanship;**

Nomoro 11:25 Rohna Jehova on Moses put on 70 elders who prophesied.

**Ayub 33:4 The Rohna Jehova made me, and the Breath of the Almighty
gave me life.**

**Yèsaya 11:2 the Rohna of the LORD shall rest upon Him, the Rohna of
wisdom and understanding, the Rohna of counsel and might, the Rohna
of knowledge and of the fear of the LORD;**

**Mikha 3:8 I am full of power by the Rohna of the LORD, and of judgment,
and of might,**

**Zakharia 4:6 Not by might, nor by power, but by My Rohna, saith the LORD
of hosts.**